

حضرت عیسیٰ نی مدد کرنے آلیاں جناٹیاں

8¹ فراس تون بعد حضرت عیسیٰ مُختَلِف شہراں تے گرانواں وچ جائی کے اللہ تعالیٰ نی بادشاہی نرے بارے وچ خوشخبری لوکاں کی سٹاٹے رہے۔ انہاں نرے باراں صحابہ کرام انہاں نرے نال سن،² تے کجھ جناٹیاں وی سن، جنہاں وچوں حضرت عیسیٰ جنات کڈھے سن تے انہاں کی بیماریاں تون شفا دتی سی۔ انہاں وچ مگدلے آلی مریم وی سی جس وچوں ست جنات کڈھے گئے سن۔³ بیرو دیس بادشاہ نرے درباری خاص خوزہ صاحب نی بیوی جنا بی بی وی انہاں نال ہوئی سی، سوسناہ بی بی تے بھوں ساریاں ہور جناٹیاں وی سن، جیہڑیاں اپٹے مال واسباب وچوں حضرت عیسیٰ تے انہاں نرے صحابیاں نرے اخراجات نا بندوبست کرنیاں ہوئیاں سن۔

پیں راہٹے آلے نی مثال

4 جیہڑے ویلے بھوں سارے لوک مُختَلِف شہراں تے گرانواں وچوں اچھی کے حضرت عیسیٰ کول اکھٹھے

ہوئے سن، حضرت عیسیٰ انہاں کی اے مثال دیئی کے
 آخیا،⁵ ”اک بندہ میں راہتے واسطے نکلیا۔ جس ویلے اُس
 میں باڑی وچ سٹیا، تے کجھ میں بنے اپر ٹھی گیا۔ او
 لوکاں نے پیراں تھلے آئی گیا، تے چڑیاں اُس کی چُغی
 کہندا۔⁶ کجھ پتھراں آلی زیمی اپر ٹھٹھا۔ او اُگی گیا، پر
 زیمی وچ نمّی ناں ہوئے نی وجہ تُوں او سُکی گیا۔⁷ کجھ
 میں چہاڑیاں وچ ٹھٹھا، تے جمی وی گیا۔ پر چہاڑیاں
 وی اُس نال بڑی ہویاں، تے اُس کی کہیری کے دبائی
 شوڑیا۔⁸ پر باقی میں چنگی زیمی وچ ٹھٹھا تے جمیا۔
 اُس نال بہوں چنگی فصل لغی، تے سو گنا پھلیا۔“ آخر
 وچ حضرت عیسیٰ انہاں لوکاں کی آخیا، ”جیہڑا کوئی
 سمجھٹا چاہٹا اے، تے مہاڑیاں گلاں غور نال سٹے۔“

مثالاں نا مطلب

⁹ بعد وچ حضرت عیسیٰ نے صحابیاں انہاں
 کولوں پُچھیا، ”اِس مثال نا مطلب کے اے؟“

10 حضرت عیسیٰ جواب دتا، ”اللہ تعالیٰ صرف تُساں کی اپنی بادشاہی نے راز سمجھنے نی صلاحیت دتی وی اے، پر باقی لوکاں کی میں صرف مثالان نے ذریعے ہی تعلیم دینا آں، تانکہ او اکھیاں ہوئے نے باوجود حقائق ناں تکی سکٹ، تے سُٹنے نے باوجود ناں سمجھی سکٹ۔

پیں راہٹے آلے نی مثال نا مطلب

11 اس مثال نا مطلب اے اے: اللہ تعالیٰ نا کلام پیں نی طرح ہونا اے۔¹² جیہڑا پیں بنے اپر ٹھیٹا اے، اُس نی مثال انہاں بندیاں نی طرح اے جیہڑے اللہ تعالیٰ نا کلام سُٹنے ان۔ پر شیطان اچھی کے انہاں نے دِلاں وچوں اُس کی کڈی شوڑنا اے، تانکہ اسرح ناں ہوئی جائے کہ او ایمان رخی کے نجات حاصل کرن۔¹³ جیہڑا پیں پتھراں آلی زیمی اپر ٹھیٹا اے، اے انہاں بندیاں نی مثال اے جیہڑے اللہ تعالیٰ نا کلام سُٹنے ان، تے اک دم خوشی نال اُس کی قبول کری کہننے ان۔ پر او پیغام انہاں نے دِلاں وچ پکا نی ہونا، تے زیادہ ٹیم تک او لوک ایمان وچ

قائم نی رہی سکتے، کیئانکہ جس ویلے اُنہاں اُپر کُسے
 قِسم نی آزمائِش اچھٹی آے، تے او اِک دَم اللہ تعالیٰ اُپر
 بھروسہ کرنا چھوڑی دینے اُن۔¹⁴ جیہڑا بیس چھاڑیاں وِچ
 ٹھیٹا آے، اے اُنہاں لوکاں نی مِثال آے جیہڑے پیغام تے
 سُننے اُن، پر بعد وِچ دُنیا نی فِکر، دولت نی کَشِش تے
 عیاشی اُس پیغام نا اثر ختم کری شوڑنی آے۔ اِسرح اُنہاں
 نا اِیمان مضبوط نی ہونّا۔¹⁵ او بیس جیہڑا چنگی زیمی وِچ
 راہن ہونّا آے، اُنہاں لوکاں نی مِثال آے جیہڑے اللہ تعالیٰ نا
 کلام سُننے اُن، تے نیک نیتی نال اُس اُپر عمل کرنے اُن
 تے ثابت قدم رہی کے اِیمان وِچ بھوں ترقی کرنے اُن۔“

بتی نی لوئی آلی مِثال

¹⁶ فر حضرت عیسیٰ اُنہاں کی اِک مِثال دیئی کے آخیا،
 ”کوئی بندہ وی بتی بالی کے برتن تھلے یا کُسے منجھی
 تھلے نی رخٹا، بلکہ کُسے اُچی جغہ اُپر رخٹا آے، تانکہ
 سارے لوک لوئی وِچ تکی سکن۔¹⁷ کیئانکہ کوئی چیز وی
 ایٹے جھٹی نی، جیہڑی چھپی وی رسی۔ ہُن تک جیہڑیاں

گلاں نی دسیاں گئیاں، او ساریاں دسیاں جاسن۔¹⁸ اس واسطے تساں ہوشیار رہو، کہ گے پئے سٹنے او، کیئانکہ جس کسے کی سمجھٹے نی خواہش ہوسی، اللہ پاک اُس نے علم وچ اضافہ فرمائی۔ پر جس کسے کی سمجھٹے نی خواہش ناں ہوسی، اُس کولوں او تھوڑی جئی سمجھ وی جیہڑی کہ اُس کول اے وے، واپس کھندی جاسی۔“

حضرت عیسیٰ نے حقیقی اہل بیت

¹⁹ فر اسرح ہویا کہ حضرت عیسیٰ نی والدہ صاحبہ تے انہاں نے پہرا انہاں کی لوڑنے واسطے آئے، پر پہیڑ ہوئے نی وجہ تون انہاں تک نی پہنچی سکے۔²⁰ لوکاں وچوں کسے انہاں کی دسیا، ”تساں نی والدہ تے پہرا باہر آئے ان۔ او تساں کی ملنا چاہئے ان۔“²¹ حضرت عیسیٰ اُس کی جواب دتا، ”مہاڑی ماں تے پہرا او لوک ان جیہڑے اللہ تعالیٰ نا کلام سٹنے ان، تے اُس پر عمل کرنے ان۔“

حضرت عیسیٰ طوفان کی روکی شوڑیا

22 فر ایک دیہاڑے اسرح ہویا کہ حضرت عیسیٰ اپنھے صحابیایں کی آخیا، ”اچھو، جھیلے تون پار جُلاں۔“ او حضرت عیسیٰ نی گل سٹی کرے اک بیڑی وچ بیٹھے تے تری پئے۔ 23 جس ویلے بیڑی جائی رہی سی تے حضرت عیسیٰ کی نیندر آئی گئی۔ اچانک جھیلے وچ اک زبردست قسم نا طوفان آیا، ایتھے تک کہ بیڑی کی لہراں وچ ڈُبٹے نا خطرہ ہوئی گیا۔ 24 صحابیایں حضرت عیسیٰ کی جغایا تے آخیا، ”حضور، آساں ڈُبٹے آلے آن!“ حضرت عیسیٰ اٹھے، تے طوفان کی حکم دتا۔ او اک دم رُکی گیا تے بلکل سکون ہوئی گیا۔ 25 فر حضرت عیسیٰ انہاں کی آخیا، ”تساں نے ایمان کی گئے ہوئی گیا؟“ صحابی ڈری گئے تے حیران ہوئی کرے اک دوئے نال گلاں کرن لگے، ”اے کیئے جھیا بندہ اے؟ ہوا تے پاٹی وی اس نا حکم مننے ان!“

حضرت عیسیٰ اک بندے وچوں جن کڈٹے ان

26 فر او جھیلے نے ڈوئے پاسے ریاست گراسا نے علاقے
وچ پُہنچے جیہڑا ریاست گلیل نے سامٹے سی۔ 27 جس
ویلے حضرت عیسیٰ بیڑی وچوں لٹھے، تے اُنہاں کی اُس
شہر نا اک بندہ ملیا جس وچ جنات سن۔ او بندہ کافی
سارے عرصے تُوں ننگا مُنگا پیا رہٹا سی، تے او کُسرے
کھرے وچ نی سی رہٹا۔ صرف قبرستان وچ ہی رہٹا سی۔
28 او حضرت عیسیٰ کی تکی کے اُنہاں نے پیراں وچ
پئی گیا تے چِیخی چِیخی کے آخٹ لگا، ”عیسیٰ، اللہ
تعالیٰ نے پُتر، تَساں مکی کے آخٹا چاہٹے او؟ خُدا نا
واسطہ اے مکی کُجھ نا آخو!“ 29 اُس اے گل اِس
واسطے کیتی سی کیئانکہ حضرت عیسیٰ جنے کی اُس
بندے وچوں نکلٹے نا حُکم دتا سی۔ جنے اُس بندے
کی کئی واری پغڑیا سی۔ لوک اُس کی قابو وچ کرنے
واسطے زنجیراں تے بیڑیاں نال بنی کے رخٹے سن۔ پر
فر وی او زنجیراں تے بیڑیاں تروڑی تروڑی شوڑنا سی
تے جن اُسی بیابان لُگی جغہ وچ نسائی کھڑنا سی۔

30 حضرت عیسیٰ اُس کولوں پُچھیا، ”تہاڑا ناں گے اے؟“
 اُس جواب دتا، ”لشکر!“ در اصل اُس بندے وچ
 بہوں سارے جنّات سن۔³¹ فر جنّات منت کری
 کے آخیا، ”آساں کی دوزخ وچ ناں پیجھو!“
 32 تھوڑی دُور اک پہاڑی اپر بہوں سارے سُور پئے چرئے
 سن۔ جنّات حضرت عیسیٰ کی آخیا، ”آساں کی انہاں
 سُوراں وچ جائے نا حکم کری شوڑو۔“ تے فر حضرت
 عیسیٰ انہاں کی اجازت دیئی شوڑی۔³³ فر جنّات اُس
 بندے وچوں نکلی کے سُوراں وچ لغے گئے۔ جنّات نے
 داخل ہوئے توں بعد سُوراں نا سارا اجڑ پہاڑی اپروں دوڑی
 گیا تے جھیلے وچ چھال ماری کے ڈبی کے مری گیا۔
 34 جس ویلے سُور چارنے آلیاں اے گل تکی، تے او
 شہر تے گرانواں در نسی گئے۔ اُتھے جائی کے انہاں
 اے واقعہ لوکاں کی دسیا۔³⁵ لوک اے گل سٹی کے
 اُسی وی تکتے واسطے گئے۔ انہاں حضرت عیسیٰ کول
 جائی کے اُس بندے کی تکیا جس وچ جنّات سن۔ او
 کپڑے لائی کے ٹھیک ٹھاک ہوئی کے حضرت عیسیٰ

نے پیراں وچ بیٹھیا سی۔ اے گل تکی کے لوکاں اپر
 خوف طاری ہوئی گیا۔³⁶ جیہڑے لوکاں او سارا واقعہ اپٹی
 اکھیاں نال تکیا سی باقی لوکاں کی دسیا کہ کسرح
 جنات بندے وچوں نکلے سن تے کسرح او ٹھیک ہوئی
 گیا سی۔³⁷ ریاست گراسا نے علاقے نیاں لوکاں حضرت
 عیسیٰ اگے التجا کیتی، ”مہربانی کری کے آساں نے
 علاقے وچوں ٹری جاؤ۔“ در اصل او لوک بھوں زیادہ
 خوف زدہ ہوئی گئے سن۔ اس واسطے حضرت عیسیٰ
 ریاست گلیل در واپس جائے واسطے بیڑی وچ بھی گئے۔
³⁸ جس بندے وچوں جن نکلے سن اُس حضرت
 عیسیٰ نی منت کری کے آخیا، ”مہربانی کری کے
 مکی اپٹے نال ہٹی جھلو۔“ پر حضرت عیسیٰ اُس کی
 موڑی کے پیجھی شوڑیا تے آخیا،³⁹ ”اپٹے کہرے
 وچ جائی کے لوکاں کی دس کہ اللہ تعالیٰ تہاڑے اپر
 کیتی مہربانی کیتی اے۔“ اے گل سٹی کے او بندہ
 واپس ٹری گیا تے سارے شہر وچ لوکاں کی دسیاس
 کہ حضرت عیسیٰ اُس اپر کیتی مہربانی کیتی سی۔

موئی وی گُڑی تے بیمار عورت

40 جس ویلے حضرت عیسیٰ واپس مڑی کے آئے، تے لوک اُنہاں کی ملی کے بہوں خوش ہوئی گئے، کیئانکہ او سارے اُنہاں نا انتظار پئے کرنے سن۔⁴¹ اُتھے حضرت عیسیٰ کول اک بندہ آیا جس نا ناں یائیر سی۔ او بنی اسرائیلیاں نے عبادت خانے نا سربراہ سی۔ اُس عاجزی نال حضرت عیسیٰ نے پیراں وچ پئی کے آخیا، ”مہاڑے کھرے در جلو“،⁴² کیئانکہ یائیر نی اک ہی تہی سی جیہڑی باراں سالان نی سی تے او مرنے آلی سی۔

جس ویلے حضرت عیسیٰ اُس نال جاٹے سن تے راہ وچ بہوں سارے لوک جمع ہوئی گئے تے حضرت عیسیٰ اپر ٹھہرے شروع ہوئی گئے۔⁴³ اُتھے اک ایٹے جھئی جناٹی سی جس بیچاری کی باراں سالان توں زاناٹا بیماری سی۔ اُس اپنی ساری دولت حکیمان اپر لٹائی شوڑی سی، پر اُس نا علاج کسے کولوں وی نی ہوئی سکیا سی۔⁴⁴ اُس حضرت عیسیٰ نی گنڈی آلے پاسوں اچھی کے اُنہاں نی قمیض نا تہ پغڑیا، تے اُسے ویلے اُس نا خون اچھٹا بند ہوئی گیا۔

45 حضرت عیسیٰ پچھے مڑی کے سارے لوکاں کولوں
 پُچھیا، ”مہاڑے کپڑیاں کی کس ہتھ لایا اے؟“
 جس ویلے لوک انکار کرن لغمے تے حضرت
 پطرس آخیا، ”حضور، لوکاں نی پھیڑ تے
 تکو! اے تے تساں اپر پئے ٹھہرے ان!“
 46 حضرت عیسیٰ فر آخیا، ”کسے مکی پغڑیا
 اے، کیئانکہ مکی پتہ لگا کہ مہاڑے وچوں
 شفا دیتے آلی طاقت خارج ہوئی اے۔“
 47 جس ویلے جنائی تکیا کہ ہن او چھپی نی سکٹی،
 تے او ڈرے نال کمٹی کمٹی سارے لوکاں نے سامنے
 حضرت عیسیٰ نے پیراں وچ پئی گئی، تے صاف
 صاف دسیا کہ اُس حضرت عیسیٰ نی قمیض نے تے
 کی کیئاں پغڑیا سی، تے کس طرح اُس کی اُسے
 ویلے شفا لہی سی۔ 48 تے فر حضرت عیسیٰ اُس
 کی آخیا، ”بچہ! توں اپنے پکے ایمان نی وجہ توں
 ٹھیک ہوئی گئی این۔ بے فکر ہوئی کے تری جا!“

49 حضرت عیسیٰ اے گل پئے آخٹے ہی سٹن کہ بنی

اسرائیلیاں نے عبادت خانے نے سربراہ نے گھروں
کُسے آئی کے سربراہ کی آخیا، ”تساں نی تہی

مری گئی اے! ہُن بزرگاں کی زحمت ناں دیو!“

50 حضرت عیسیٰ اے گل سٹنی کے یائیر کی آخیا،

”ڈرو ناں! اللہ اپر بھروسہ رخو! او ٹھیک ہوئی جاسی۔“

51 جس ویلے حضرت عیسیٰ یائیر نے کھار پُہنچے، تے

اُنہاں پطرس، یوحنا، یعقوب، تے کُڑی نے ماں پیو نے

علاوہ کُسے کی وی اپٹے نال اندر جاٹے نی اجازت نی

دتی۔ 52 اُتھے سارے لوک کُڑی واسطے روٹے پئے سٹن۔

پر حضرت عیسیٰ اُنہاں کی آخیا، ”روؤ ناں! کُڑی موئی

نی! اے تے سٹنی وی اے!“ 53 حضرت عیسیٰ نی اے گل

سٹنی کے لوک اُنہاں اپر ہسٹن لغی پئے، کیٹانکہ اُنہاں کی

پتہ سی کہ کُڑی موئی وی اے۔ 54 حضرت عیسیٰ کُڑی

کی ہتھے تون پغڑی کے اُچی آواز وچ آخیا، ”بچہ! اُٹھی

جا!“ 55 کُڑی اُسے ویلے دوبارہ زندہ ہوئی گئی، تے اک دم

اُٹھی کے کھلی گئی۔ فر حضرت عیسیٰ حکم دتا، ”اس

کی کُجھ کھاٹے واسطے دیو!“⁵⁶ اے گل تکی کے کُڑی
نے ماں پیو بہوں حیران ہوئی گئے۔ پر حضرت عیسیٰ انہاں
کی تاکید کیتی، ”خبردار! اے گل کُسے کی ناں آخو!“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تسان نال گل
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>

Copyright © 2020 Noor-e-Kashmir
Creative Commons Attribution-NonCommercial-NoDerivatives 4.0 International
(CC BY-NC-ND).